

31.5.2018|Bolsas de excelencia para a mocidade do exterior

Normativa

Resolución do 19 febreiro de 2018, da Secretaría Xeral da Emigración, pola que se aproban as bases reguladoras e se procede á convocatoria de cen (100) bolsas de excelencia para a mocidade do exterior, co fin de cursar estudos de máster que se inicien no ano 2018 nunha universidade galega (PR911A).(DOG nº 45 do 5/3/2018)

Obxecto

Convocatoria para a concesión de cen bolsas de excelencia para a mocidade do exterior, co fin de cursar estudos de máster que se inicien no ano 2018 nunha universidade galega. A listaxe dos másteres oficiais para os cales se conceden as bolsas son os sinalados no anexo I da resolución.

Persoas beneficiarias

Cidadáns galegos/as residentes no exterior cunha titulación universitaria de grao, licenciatura, enxeñeiría ou arquitectura.

Requisitos

- Ser menor de 40 anos.
- Residir no estranxeiro.
- Estar en posesión da nacionalidade española.
- Ser emigrante nacido/a en Galicia ou que residise en Galicia de forma continuada durante 10 anos con nacionalidade española antes de emigrar, así como os descendentes por consanguinidade dunha destas persoas e que nacesen no estranxeiro.
- Acreditar un mínimo de dous anos de residencia no exterior inmediatamente anteriores a data da presentación da solicitude.
- Ter rematado e estar en posesión dalgunha titulación universitaria de grao, arquitecto/a, enxeñeiro/a, licenciado/a, arquitecto/a técnico/a, diplomado/a, enxeñeiro/a técnico/a ou outra declarada equivalente de forma expresa.

Requisito que deberá cumprirse e acreditarse con carácter previo á concesión da bolsa:

- No caso das persoas nadas no estranxeiro, estar vinculado/a a un concello galego.
- Estar matriculado/a no curso 2018/19 nun máster universitario dos ofertados nesta convocatoria e sinalados no anexo I desta resolución, dun mínimo de 60 créditos na modalidade presencial. Para os másteres cunha duración total de 90 créditos, a matrícula dos 30 créditos restantes, correspondentes ao curso 2019/20, realizarase e acreditarase no ano 2019.

Período de desfrute e dotación da bolsa

As bolsas terán a duración correspondente aos cursos académicos necesarios para a realización da totalidade dos créditos de que conste o master:

- Os másteres de 60 ou 72 créditos ECTS, que equivalen a un curso académico, o período de desfrute será de setembro de 2018 a xullo de 2019. Contía: Europa 7.000 € | resto de países 7.650 €.
- Os másteres de 90 créditos ECTS, que equivalen a un curso académico e medio, o período de desfrute será, ademais do sinalado no parágrafo anterior, un cuatrimestre de setembro de 2019 a febreiro de 2020. Contía: Europa 10.500 € | resto de países 11.475 €.

O desfrute da bolsa estará condicionado a que se imparta o título oficial de máster para o que se realizou a matrícula.

Gastos subvencionables

Coa contía asignada, a persoa beneficiaria deberá afrontar todos os gastos que se xeren para poder realizar o master e, en concreto:

- Gastos de preinscrición, administrativos e de matrícula na universidade.
- Viaxe desde o seu país de procedencia.
- Aloxamento e manutención en Galicia.

- d. Subscrición dun seguro médico, se é o caso.

Esta bolsa é incompatible con calquera outra bolsa ou axuda financiada por calquera Administración, institución ou ente público para cursar os estudos de máster oficial.

Documentación

Presentación electrónica na sede

- a. Pasaporte ou outro documento acreditativo da identidade e nacionalidade española para as persoas solicitantes que non teñan DNI (documento nacional de identidade español).
- b. Documentación acreditativa da residencia actual no estranxeiro.
- c. Documentación xustificativa do tempo de residencia no estranxeiro durante un mínimo de dous anos ininterrompidos inmediatamente anteriores á data de presentación da solicitude.
- d. Documentación acreditativa da súa vinculación con Galicia: nacemento en Galicia, ou da residencia nesta comunidade autónoma de xeito continuado durante dez anos con nacionalidade española antes de emigrar ou, de ser o caso, ser descendentes dalgunha destas persoas, e do seu nacemento no estranxeiro.
- e. Para as persoas solicitantes nadas no estranxeiro, documentación acreditativa da súa vinculación cun concello galego no Padrón de españois residentes no estranxeiro (PERE), ou calquera outra documentación acreditativa deste aspecto.
- f. Título universitario que dea acceso ao máster ou certificado que acredite que o título está en trámite.
- g. Certificado do expediente académico de finalización de estudos universitarios.

Lugar de presentación das solicitudes

Obrigatoriamente por vía electrónica a través do formulario electrónico normalizado que figura como anexo II desta resolución, accesible na sede electrónica da Xunta de Galicia, <https://sede.xunta.gal>.

Dentro deste formulario, deberán cubrir:

- a. A declaración do máster ou másteres e universidades correspondentes en que solicitou ou vai solicitar a súa admisión dos ofertados nesta convocatoria.
- b. A memoria de motivación para realizar un máster en Galicia, importancia para a súa propia especialización académica e interese de desenvolver a súa carreira profesional nesta comunidade autónoma.

As persoas solicitantes residentes en Cuba e que así o desexen poderanse dirixir á Federación de Sociedades Galegas na Habana, na cal existen persoas habilitadas para o efecto, para a presentación electrónica das súas solicitudes.

A utilización desta vía requirirá unha autorización que a persoa solicitante lle outorga á persoa responsable da entidade colaboradora para que remita a súa solicitude vía electrónica, incluída no formulario de solicitude (anexo II).

Prazo de presentación de solicitudes

O prazo de presentación de solicitudes comezará a partir do día seguinte ao da publicación desta resolución no DOG e finalizará o día **31 de maio de 2018** ás 24.00 horas (hora peninsular española).

[Imprimir](#)